

沔陽州志卷五

沔陽童承敘

提封上

昔者禹平水土蟠冢導漢過三澁至于大別岷山導江

過九江洞庭至于東陵巴陵江漢朝宗于海沱潛既道雲土

夢作又周官職方氏辨九州之國正南曰荊州藪曰雲

夢川曰江漢沔北曰漢南曰九江曰東陵東曰大別西

曰三澁其地雲夢故澤也桑欽水經沔水東南逕雲杜

景陵地又東逕沌陽入江夏水出江流于江陵東南又東

過華容監利南又東至雲杜入沔沔東北曰雲杜西南曰

華容故又為沱潛也故沔跨江漢雲夢之間沱潛之地

沔陽州志卷之五

一

沮洳之區重湖巨澤曲河隄洲滂洋衍溢聯綿逆折平

疇廣藪壇曼陀靡水據洪川陸擅沃野土地延袤殆將

千里宋朱昂云襟帶隨郢腹背吳楚地窪而卑水漾而

瀦卽處僻左多荒蕨不得與通都顯邑齒然以郟隄信陽

為屏蔽襄郢為門戶洞庭長江為隍塹訐訐乎亦足稱

雄矣詩曰滔滔江漢南國之紀言紀夫南國也其東為

漢陽其東南及南為江其西南為監利其西為潛江其

西北為京山其北為應城其東北為漢川沔東行一百七十里盡麻

漢河東南行二百四十里南行二百二十有五里俱盡

江西南行二百二十里盡沙口西行百七十里盡南池

村西北行九十里盡總口北行七十里盡南黃東北行

如西南盡泖水村廣為里八百六十袤五百四十景陵

東行九十里盡城隍臺東南行九十里盡拖鎗河南行

百二十里盡南黃西南行五十里盡澤口西行九十里

盡小河口西北行五十里盡綠水堰北行八十里盡楊須市東北行七十里盡五龍河廣為里百七十袤百八十

晉天文志翼軫楚荆州南郡入翼十度江夏入翼十

二度陳卓范蠡鬼谷先生張良諸葛亮譙周京房張衡

並云案范蠡鬼谷時沔屬南郡至陳卓時沔屬江夏郡

久矣自蠡至良歷世邈遠莫究其說卓魏太史令言天

官者多推之自亮至衡並稱精博而卓言郡國所入躔

次尤詳其曰江夏則沔在其中况夏實自沔達江今漢

口即漢江夏郡地道里迫近沔或與江夏同度也春秋元命

苞軫星散為荆州史記天官書漢天文志並云翼軫荆

州劉向言分野亦云楚地翼軫之分野也魏陳卓郡國

躔次自張十七度至軫十一度為鶉尾於辰在巳楚之

分野費直起張十二度蔡邕起張十三度皇甫謐帝王

世紀自張十八度至軫十一度日鶉尾之次於辰在巳

謂之大荒落於律為夷則斗建在申今楚分野張翼軫

迺有不同夫荆楚地大析言之則為翼為軫括言之則

張翼軫也沔舊屬江夏郡據卓言當與同度翼之分野

故志兼言翼軫未詳攷也又春秋文耀鉤北斗分野荆

屬衡晉志一秦二楚星經云衡弟四星主荆以五卯日

候之又云熒惑主霍揚荆充四州熒惑夏火也故主南

方晉志牛女間十六星主十二國魏西一星日楚宋兩

朝天文志天市垣二十二星其西垣第二星日楚星書

五車五星中央一星主楚然則荆楚占候故不專翼軫

沔陽州志卷之五 二

山

東皋雜錄云信陽軍山路險隘迤邐至安陸又兩驛至

復州南大江並無邱陵之阻謂竟陵者陵之竟也石首

者石之首也案所云險隘即楚郢阨之塞又漢志章山

在東北即禹貢之內方其麓俱至竟陵而竟自景陵至

沔訖于大江綿互四百里皆漫然平衍矣故景陵之北

岡阜聯絡或多起伏沔惟瀕江數邱而已謂之亡山可也

沔南二百里曰黃蓬山其山墳起江湖閒延綿環結而

秀其支曰香山形似香爐故名俗曰望鄉曰石靈曰松林磯曰烏林

林俗作陵與江南赤壁對即周瑜破曹操處圻曰斑竹統三百餘阜週二十

里前為江左為菖蒲澗右為蓬湖上有古城城外有臺

相傳魯肅嘗屯兵於此有靈福觀有崇鳴寺知縣深作靈福觀記檢討琢作蓬山十二

景蒲解朝陽香山秋桂松林鬱秀鳥林夕照古城喬木蓬湖春漲雙洲鷗鷺蓮院薰風北村煙樹南江橫練靈

福晨鍾崇鳴古柏知縣深各有詩

大隱林 小隱林

景陵東北七十里曰五華山其山週九百丈高十有五

沔陽州志卷之五

丈其上有風城有伏羲廟其下曰臨津門有神農廟有

白龍寺有仙真觀

西六十里曰青山其山色多青上有普濟寺知縣縮詩三年兩度

青山過景物依然鳥自啼路入天門隔南北禾生水港無東西已看刀劍賣為犢誰為絃歌笑割雞詢徧民風

歸馬晚好峰如畫白雲低

青山之左曰天門山舊曰火門唐陸羽傳負書火門山從鄒夫子遊是也後以俗忌火更

名今

北六十里曰龍穴山又曰龍尾其山狀若龍穴傍有龍

穴陂

東北七十里曰巾戍山晉元熙中得古鍾七枚於此敘

西逕楊水謂之巾口今亦有巾港市疑古或置戍若橫桑戍之類也

縣東南曰見龍山其山蜿蜒如龍環拱縣左知縣縮記而來環於縣南縣之地下人依山以居比屋週遭如無山然甲辰春譙樓成梯而上之山形始見乃以縣西隙地徙居人屋通之以路造其上而遊焉凡一縣之內錯錯然於目中也時父老聞之亦相率來觀且請以見龍名之易曰見龍在田利見大人謂之見龍者非徒誇形勝美遊觀也

境會石

故志在鼓角樓下碑云諸葛嶺在縣南二十里

處東岡

在縣東七十里夾松石華嚴二湖之間陸羽嘗居於此祭酒鐸世家焉鐸少有詩古樹岡頭屋

數椽主人家世祗殘編在臨江漢東南會望到雲龍五

百年七澤鳶魚皆道理九州兄弟或顛連西周老鳳將

難近幾見梧止林在縣東四十里祭珍珠坡在縣西十

桐日影圓有販珠者覆舟於此頗著靈異鄉人祀之坡側一名覆船岡

川左傳江漢漳沮楚之望也史記竟陵澤楚之材也相如

沔陽州志卷五

賦子虛稱楚有七澤雲夢其一則沔之陂澤聞古今久矣其中湖河或匯為滸澆或析為潢滂支流餘派聯綿灌注大者或兼數十謂之子湖名號瑣猥不可勝紀今稍列其彰顯者著之於篇

沔南二百里曰大江其源出岷山地志在蜀郡前氏道

東別為沱又東至于澧澧水名今澧州江至此過九江

今洞庭凡受水九故至于東陵今巴逕白螺山南在監

又逕止烏林南即烏林東過茅埠口又東過竹林灣口

又東過新灘水洪二口又東北過沌口沌水入焉水經

水通沔陽之太白湖又東過漢口與漢水合知州濂茅

湖東南通江日沌口又東過漢口與漢水合知州濂茅

三江接吳溪碧紋不動月輪低水仙吸露蘋花畔鮫女

尋珠竹自西其二刺史南巡茅埠頭黃鬚津吏下迎舟

鳴金搥鼓緣何事如此荒村可耐愁其三江上逢秋秋
可憐西風暮起浪連天楓葉如吟采蓮曲荷花偏影捕
魚船其四白螺湖邊蘆荻秋黃蓬山下酒
如油若無月色終辭酌為有秋光始縱遊

西北曰襄河漢之潛也爾雅漢別出為潛漢水自安陸東播為

蘆泝河入于潛江東南至于上新口逕鮎魚套逕三

口達于三江口又至上新口播于下新口逕北口復自

柳口折于三江口合流趨于白湖又自柳口東播于蕩

蒿汀至直步夏水從西來注之逕螺子瀆逕渣潭東北

趨太陽入于襄河又自渣潭東南逕小陽逕張家池逕

壩港入陽名湖俱匯于白湖出沌口入江漢水又自蘆

泝播于排沙逕深江逕剡河逕范谿關逕栗林逕麻港

逕南灣至黃荊口入下帳湖東匯于白湖又自范漑南

播于劉家渡入于三江口又自栗林口播于蔣家灣逕

蓮臺趨大湖口合黃荊口水漕河自柳口環城西北達

于三江口方輿勝覽宋紹興元年省劄江陵府漕河晉

沌口沔水口直通漢江張孝芳記端拱元年閻文遜奏

開東漕渠自師子口入于漢達于襄陽遂發丁夫治荆

南漕河至漢可勝二百石舟上遊之人利焉敘案故志

潛江有里社穴景陵有師子河俱通漢漕河之名當以

此也又晉武初杜預開楊口通零桂之漕

起夏水達巴陵則沔之有漕河自預始也

南四十里曰長夏河即夏江之沱也爾雅江夏水自監

利入東為太馬長川過沙口又東北過柴林河至直步

與漢水合水經夏水出江流于江陵東南又東過華容

傳夏水首出于江尾入于沔亦謂之沱通典復州沔陽

有夏水輿地廣記夏水入沔謂之堵口冬竭夏流謂之

夏水漢志江夏郡注謂夏水過郡入江也即今漢口然

夏水至直步即合漢水不當逆流至漢口入江若云夏

流則盛夏江漲亦可曼衍而上也堵口今亦失其處豈漢濁易淤遂致湮塞耶又案楚辭過夏首而西浮夏之首也左傳吳伐楚至于夏汭沈尹射奔命于夏汭遠射以繇楊之師會夏汭夏之尾也漢以前多言夏言漢其後多言汭漢汭夏一水異名故漢口亦曰夏口又曰汭口

南百八十里曰復車河亦沱也江自茅埠灌黃蓬湖東為河逕牛埠逕三灣逕平放東出新灘口又自三灣逕斗湖至陽名匯于白湖出沌口入江

東二百五十里曰太白湖水經注沌口通沔陽之太白湖漢陽志李太白嘗遊於此

因一日九真白湖一日土瀦其湖潛自西北注之西湖

李老泗港沙湖諸水匯焉沱自南注之直步黃蓬陽名

諸水匯焉沱之巨壑也週二百餘里達于沌口入江故屬

沔今半屬漢陽知州濂詩楚巘青無盡南遊興不孤霧寒七澤水天霽九真湖飛槩搖叢竹停舟舞雁鳧自憐

沔陽州志卷五

簪絨絆花浦羨漁夫

二百四十里曰沙湖其湖連太白都御史廬陵王槩詩路入沙湖景漸幽日

斜風定雨初收白雲藏綠山間寺碧樹圍紅驛外樓波影平鋪千里月光倒漫一天秋荆湘佳景良難得此處經過是勝遊知州濂詩襟雲帶夢古沙湖海客紛紛聚一區船裏錦鞵聯翡翠岸頭金鎖擊珊瑚其二漁豎當年起在茲築壇開社樹黃旗天戈直搗鯨鯢窟沔水今為魚蠅池其三沙湖問俗暫停槎只見平湖不見涯誰道湖村風俗好如花少女賣魚蝦其四湖上人家風色清蒲衣菱筏可憐生采蓮慣識溪邊路曬網頻驚樹

上鶯

百七十里曰陽名湖其湖受復車河張家池逕崇陽潭

入蘆花瀆匯白湖

百六十里曰短汀湖其湖受張家壩港接魯陽潭逕麻

汀入白湖

百四十里曰陽孟池有湖曰郝盤泛曰五老紹興池曰
浹夜達于白湖

十有五里曰白鷺湖二十里曰鼉湖荆州記河陽有鼉湖

城東曰蓮花池其池南北相麗中為橋為通衢多蓮開
之日香苾可玩亦郡之佳勝也都指揮王閏即北池之濱為兩松山閣故址尙存

南百八十里曰黃蓬湖其湖納茅埠口許家池連大舍

白螺上洪俱蓮子潭趨復車達新灘入江亦入白湖江

溢則溯洄入漢知州濂詩手植垂楊鎖釣磯湖分小港抱柴扉雪深漁艇依村泊天暝鷓鴣逐伴飛湘水自通雲夢澤楚人合著芰荷衣朝川幽絕真難勝况復東潭白鰕肥

二百里曰千金白螺湖在監利白螺山下曰塘陵大舍湖

泗陽州志卷五

二百里曰烏流曰龍巢曰雲泛三湖俱達于白湖

百四十里曰張家池有湖曰塘林深水潭曰浮溝逕橫

汶古村壩溝俱入陽名

百五十里曰西湖其湖受燕子河穿柳林合西洋湖入

洪湖逕大洪口走黃蓬西之傍曰鄭道白涉壩潭三湖
俱達于洪

百三十里曰司馬小陽湖其湖合牛頭湖烏林溝斗口

湖逕張家入陽名

七十里曰直步湖其湖受柳口太馬河逕明魚螺子瀆

逕渣潭李二河入陽名

東南二百八十里曰下五湖九十有五里曰西港鮐公

土橋潭沈槎澗潭諸湖俱入陽名

西十五里曰百石湖其湖中為長隄

知州順詩百石湖邊萬丈隄雙溝流

水出前溪嘉禾翠色連畦秀垂柳濃陰匝岸齊客路入雲行處遠郵亭和雨望中迷勸農幾度春風裏滿地花香襯馬蹄學正順詩驛道接長隄遙通古郡西嘉禾盈綠野垂柳拂清溪使客乘驄過行人聽鳥啼春深初雨霽紫燕拾香泥

十里曰三陽湖

方輿勝覽東曰東陽西曰西陽北曰北陽故名

西南五十里角兒湖其湖連柘柴

湖逕荻根儲龍二潭

下港達柳口

四十里曰官港湖又五里曰賽港湖

東北百三十里曰馬骨泛有湖曰李老南灣沙灣雞頭

圓昌三墩灣曰楊林神臺茅臺清水口曰黃荆北入漢

沔陽州志卷五

東入白湖

四十里曰奠石湖其湖磬折

泗港有三十里曰上二十里曰中四十里曰下皆湖也

俱入于河

西北曰上下西湖其湖北受到河南出月湖口入于漢

北曰復池湖

復州名曰白龜湖取此

百五十里曰澧馬潭

在縣南有陡湖荷湖雙湖石泉爛

泥三角龔家諸湖陳老濠柏家灣老鶴場其水皆達于

漢

百三十里曰白雲三汊

在縣東南八十里

有泛曰百步曰蘇家

湖曰白河曰拖鎗入于漢

百二十里日葫蘆三灣在縣西南有湖日白泛花臺羅

臺蒿臺堰日洪積淵日桐樹降日漁泛港日月入于漢

七十里日下帳湖在縣東其湖有范老反灣有長洲官

洲團洲受黃荊口破江蓮臺東合張池趨白湖

六十里日上帳湖在縣南其湖有紅花魚腦牛頭黃沙

楊庄自麻洋潭逕破江潭灣入下帳

百六十里日青山湖在縣西二其湖近青山

百九十里日風波湖在縣東其湖有安定黃林納柳家

河達楊林入漢

百四十里日蒿臺湖在縣東其湖達回河入漢

史敘日余觀河之湖大者數百里小者不啻數十里其

河陽州志卷五 九

諸沔潦不與焉長波巨浸渺渺相望何其夥也然其北

多在景陵李老爲大其西多屬監利西湖爲大其南黃

蓬爲大其東太白爲大諸湖皆逶迤入太白故沔眾水

之匯也太白河水之匯也故沔之水瀦于太白洩于沌

口地之勢然也不然沔其魚乎

雲夢澤史記雲夢注裴駟云孫叔敖激沮水作此澤張

也張云在華容者特此也安陸又有巴邱湖俗云卽古雲夢澤

取此澤也唐安審暉敗唐兵於雲夢澤中史炤日雲夢

楚王以鄭伯田江南之夢杜預注雲夢跨江南北漢志

而不言雲楚子避吳入雲中言雲而不言夢則知二澤

爲說也蓋古之雲夢澤甚廣後世悉爲邑居聚落故地

之以此得名者非一處也敘案故志景陵亦有雲夢城

子文所棄與楚子所入
皆在江北正沔地也

東五十里曰滄浪水

故志禹貢漾東流為漢又東為滄浪之水即屈原逢漁父處劉澄之

山水記云在沔口敘案水經注武當縣北四十里漢水中有洲曰滄浪洲水曰滄浪水即今均州地河有此水雖非其故處然亦滄浪之下流豈後人概稱之若漢河夏之互名耶又案說郛滄浪地名非水名蘇子美卜居吳下前有積水即吳王僚所開也作亭其上名之滄浪似以為滄瀾之狀失之矣河之滄浪亦地名也潘子安詩滄浪濯纓仍濯足我來敗蓬惟濯心高歌孺子不可作遠放靈均何處尋斷岸早霜千樹錦孤村落月數家砧中州未必無芳桂誰采幽香慰苦吟

北二里曰白沙水

故志出京山白沙山下流經沔玉沙縣名取此敘按安陸志引唐地理志

鄂州富水有白沙山自沙水所出而水經言江水東得白沙口謂此水入江處也今京山在漢江北白沙水入漢當共趨漢口入江不當截流經沔五代梁分漢江南為白沙徵科院宋陞為玉沙縣其地在沔西南水經白沙口當亦不遠沔或別有此水而縣名亦非遠取京山之水名也

沔陽州志卷五

七里沔

故志周地圖云夏水合諸水同入漢自漢入猪

江漢夏三水所匯之處是也或曰景

陵有七里沔即七里沔俱未知何據

滌塵井

在玄妙觀一日濯纓

湧玉泉

在城北相傳古有泉流出漕河沙白如銀隨流湧出故名敘疑即白沙水也

熨斗陂

故志寰宇記滄浪之水其側有熨斗陂敘案宋吳獵傳獵知江陵於赤湖城西南過熨斗陂水

以限戎馬則此陂又在江陵也

沌水

故志不載敘案玉海引范成大曰自石首縣舟行百四十里入魯家泱自魯家泱入沌沌者江旁支

流如家泱即今監利魯泱江也東流為太馬湖即長夏湖魯家泱即今監利魯泱江也東流為太馬湖即長夏水至沔迳直步北接漢水東流至太陽入于漢東匯于白湖又東流出沌口入江故沌口有古沌陽縣水經注沌水上承沔陽之太白湖東南流為沌水蓋沌之下流也由是言之沌水正迳沔地其日僅過運河又足為漕河之一證也

沔陽州志卷五

盧靖校刊